

Sp




59540



Mag. St.-Dr.

~~Mag. St.-Dr.~~

Winkler Martini: Quaestio metaphysica de
potentia obedientiali.



QVÆSTIO
METAPHYSICA,

^{D E}
POTENTIA OBEDIENTIALI,

Sub Felicissimis Auspicijs, ⁵⁹⁵⁴⁰

Perillustris, Magnifici, & Admodum Rñdi Domini,

D. ANDREÆ
KVCHARSKI,

Sacræ Theologiæ Doctoris, & Professoris,

ECCLESIAE CATHEDRALIS CRACOVIENSIS
CANONICI.

COLLEGIATÆ ECCLESIAE SS. OMNIVM
PRÆPOSITI.

Contubernij Hierosolymitani PROVVISORIS.

ALMÆ ACADEMIÆ CRACOVIENSIS GENERALIS

RECTORIS.

^A
M. MARTINO WINKLER, *Philosophiæ Doctore.*

Publicè ad disputandum proposita.

In Peraugusto DD. Theologorum Lectorio.

Anno Salutis, 1663. Die 19. Mens. Nouembr.

CRACOVIAE,

Apud SCHEDELIOS, S. R. M. Typographos.



QVÆSTIO

METAPHYSICA.

V. Potentia Obedientialis, rebus creatis congenita passiva, supernaturalis, in positiua capacitate reali formaliter consistens, per se sola sit sufficiens, ad producendos effectus, præter vel supranaturales; necne?

CONCLUSIO I.

Datur Potentia Obedientialis, rebus creatis congenita, sola tantum Passiva.

COROLLARIA.

- I. Non est de conceptu essentiali cuiuslibet Entis creati; licet per se Physicè illi conueniat.
- II. Differt non realiter ac Entitatiuè, sed formaliter ab Essentia, cuius est potentia.
- III. Potentia Obedientialis vt sic, nullo modò diuiditur in Actiuam & Passiuam, tanquam in membra aut differentias.
- IV. Error proximus Pelagiano, est adstruere in Creaturis Potentiam

rentiam Obedientialem Actiuam proximè, ex vi naturæ illarum.

- V. Nisi forte dicenda sit Actiuitas, aliqua valde remota & radicalis, in ordine ad suum obiectum proportionatum, sitq; non tam inclinatio, quàm mera capacitas receptiua formarum supernaturalium, virtute quarum creatura possit dici agere.

CONCLUSIO II.

Potentia Obedientialis, secundum suam specificam rationem terminatiuè, est supernaturalis.

COROLLARIA.

- I. Subiectiuè & identicè, dici potest res naturalis.
- II. Non potest principaliter produci à causa, à qua principaliter producitur natura, cum quâ identificatur.
- III. Et quamuis includit habitudinem Creaturæ ad Creatorem, includit eam non quomocunq; sed quatenus est agens supernaturale.
- IV. Intra latitudinem Termini Potentiæ Obedientialis, licet contineantur etiam effectus naturales, continentur tamen & respiciuntur modo supernaturali.
- V. Potentia Obedientialis, secundum id quod connotat, & importat in obliquo, est in omnibus rebus eiusdem rationis formaliter.

CONCLUSIO III.

Potentia Obedientialis, formaliter consistit in positiuâ capacitate reali, respectu omnium quæ Creator in ijs, præter vel supra naturam voluerit, & non implicauerint.

COROLLARIA.

- I. Licet verò non constituatur per negationem repugnantiae; supponit tamen in naturâ cui inest, non repugnantiam.

- II. Non est ipsa natura rerum, prout coniuncta cum Imperio DEI, ratione cuius possit recipere formas supernaturales.
- III. Nec prout est subdita Creatori, ita ut solum importet relationem ad DEVM, ut supremum Dominum.
- IV. Potentia Obedientialis, licet non reducatur ad actum, non est frustra nec imperfecta priuatiue.
- V. Ideò denominat subiectum, non simpliciter potens propriè loquendo, sed simpliciter capax, & Obedientialiter potens.

CONCLUSIO IV.

Potentia Obedientialis, per se sola non est sufficiens ad producendos effectus, præter vel supranaturales.

COROLLARIA.

- I. Entitas Creaturæ habens Potentiam Obedientialem, non potest operari effectus supernaturales & miraculosos, nisi intrinsecè immutetur, & per aliquam virtutem superadditam eleuetur.
- II. Vnde solus concursus simultaneus, aut sola assistentia DEI extrinseca, vel subordinatio ad Imperium practicum DEI, ad hoc non sufficit.
- III. Sed necessario ponenda est virtus intrinseca, supernaturalis, actiua, recepta in ipsis causis, & non in effectibus.
- IV. Implicat possibilem esse, in Creatura Qualitatem permanentem & habitualement, quæ sit causa principalis extendens se ad omnia, quæ supernaturaliter fieri possunt.
- V. Ad rationem Instrumentorum, eiusmodi supernaturalium requiritur quædam proportio, consistens in hoc, quod est operari ex subiecto, & circa subiectum.



Biblioteka Jagiellońska



stdr0016933

